

## **Universitäts- und Landesbibliothek Tirol**

### **Franz Schweyger's Chronik der Stadt Hall**

**Schweyger, Franz**

**Innsbruck, 1867**

Theurung

[urn:nbn:at:at-ubi:2-12832](https://nbn-resolving.org/urn:nbn:at:at-ubi:2-12832)

1570 rad zu treiben zu der neuen münztz zu prägen und zu ferttigen. Zu disem werkh sein paumaister gewesen Thoman Krumpper, münztzmaister und mayster Loy, schmidt.

### **Theurung.**

Item vor und nach ostern ist die theurung des roggens gewesen und nit zu bekhumen gewest, dann im fürstlichen traidtkasten, das star per 66 khreytzer. Item am glegger der lendt per 7 pfundt, den kern per 104 khreytzer. Auch die theuerung des vleischs, welches nit zu bekhumen ist geweest, das pfundt rindtvleisch per 9 fuerer.

### **Ordnung der religion unnder den geistlichen.**

Seind diss jars den 14. Juni durch gesandte von der geistlichen obrickhait zu Brichsn (als verornete visitatores) mit der fürstlichen durchlaucht pewilligung erstlichen bey den geistlichen die buecher visitiert worden, auch alle geistliche, so khöchinen gehabt haben, solliche von inen thuen muessen etc., derhalben der pfarrer allhie, Gallus Klotz, die pfarr verlassen und mit seiner khöchin hinweg zogen. Mer so hat die bemelten nachfolgenden tåg die gantze gmain burgerschafft allhie alle iere buecher in den pfarrhof oder widn tragen muessen und bey wellichen buecher der neuen religion seind gfunden worden, die haben dieselbigen von handen müessen geben. Solliche buecher seind alsdann alle zusammen gethon und ainem ersamen rath zu khalten und zu verwaren überantwort worden.

### **Ellend und unordnung der pfarrkhirchn sand Nicolauss hie.**

In disem 70. jar ist die khirchn sand Nicolauss one ainen hirtten und pfarrer durch grosse unainighkait der priester in grosser gfar gantz ergerlichen gestanden.

### **Theurung des traids.**

Anno 1571 hatt die obbemelt grausam theurung noch khain aufhern ghabt, sundern ain zeittlang und noch im September ain stár roggñ auf dem fürstlichen traydcastn per 1 fl. 48 kr. und der waitzn 1 fl. 54 kr. goltn.

### **Wassergüss.**

Anno 1571 am suntag Misericordiae den 29. Aprilis ist das wasser der Instrom der massn gwachsen und in solliche gress auf-